



Broj predmeta: 37-001265/13
Broj akta: 08-1246ZB-035/22
Datum, 2. 2. 2022. godine
Mjesto, Brčko

Na osnovu člana 22. Zakona o Vladi Brčko distrikta Bosne i Hercegovine – prečišćeni tekst (“Službeni glasnik Brčko distrikta BiH”, broj: 22/18, 49/18, 08/19, 10/19 i 32/19), člana 187. Zakona o upravnom postupku Brčko distrikta Bosne i Hercegovine – prečišćeni tekst („Službeni glasnik Brčko distrikta BiH broj: 48/11, 21/18 i 23/19), a u skladu sa članom 14. stav (1) tačka e) i članovima 34. i 35. Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 30/09, 29/18 i 16/20) i člana 17. Pravilnika o akreditaciji visokoškolskih ustanova i studijskih programa u Brčko distriktu Bosne i Hercegovine („Službeni glasnik Brčko distrikta BiH“, broj: 50/18 i 34/19), postupajući po zahtjevu visokoškolske ustanove Evropski univerzitet u Brčko distriktu Bosne i Hercegovine broj predmeta: 37-001265/13 od 08.12.2018. godine, a na osnovu Preporuke Agencije za razvoj visokog obrazovanja i osiguranje kvaliteta BiH broj: 05-33-1-230-36/19 od 27.1.2022. godine i Izvještaja Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Evropski univerzitet u Brčko distriktu Bosne i Hercegovine od 18.1.2022. godine, šef Odjeljenja za obrazovanje Vlade Brčko distrikta Bosne i Hercegovine d o n o s i

R J E Š E N J E

O INSTITUCIONALNOJ AKREDITACIJI EVROPSKI UNIVERZITET U BRČKO DISTRIKTU BOSNE I HERCEGOVINE

I.

Visokoškolskoj ustanovi Evropski univerzitet u Brčko distriktu Bosne i Hercegovine dodjeljuje se institucionalna akreditacija.

II.

Rješenje o institucionalnoj akreditaciji izdaje se na period od četiri (4) godine.

III.

Obavezuje se visokoškolska ustanova Evropski univerzitet u Brčko distriktu Bosne i Hercegovine da najkasnije šest (6) mjeseci prije isteka roka iz tačke II. ovog rješenja podnese zahtjev za institucionalnu reakreditaciju.

IV.

Rok iz tačke II. ovog Rješenja počinje da se računa od dana pravosnažnosti ovog rješenja.

O b r a z l o ž e n j e

Evropski univerzitet u Brčko distriktu Bosne i Hercegovine podnio je Odjeljenju za obrazovanje Vlade Brčko distrikta Bosne i Hercegovine zahtjev za institucionalnu akreditaciju broj predmeta: 37-001265/13 od 08.12.2018. godine. Podneseni zahtjev Odjeljenje za obrazovanje je zaprimilo pod brojem predmeta: 37-001265/13 od 10.12.2018. godine.

Odjeljenje za obrazovanje je zaprimljeni zahtjev dostavilo Agenciji za razvoj visokog obrazovanja i osiguranje kvaliteta Bosne i Hercegovine sa prijedlogom za imenovanje Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Evropski univerzitet u Brčko distriktu Bosne i Hercegovine aktom broj predmeta: 37-001265/13, broj akta: 07-1154SO-024/19 od 16.04.2019. godine.

Na osnovu zahtjeva Agencije za razvoj visokog obrazovanja i osiguranje kvaliteta Bosne i Hercegovine dostavljeno je i više dopuna prijedloga Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Evropski univerzitet u Brčko distriktu Bosne i Hercegovine, i to: broj predmeta: 37-001265/13 od 20.5.2019. godine, broj predmeta: 37-001265/13 od 25.6.2020. godine, broj predmeta: 37-001265/13 od 19.8.2020. godine, broj predmeta: 37-001265/13 od 17.2.2021. godine i broj predmeta: 37-001265/13 od 31.5.2021. godine, a na osnovu kojih je Agencija za razvoj visokog obrazovanja i osiguranje kvaliteta Bosne i Hercegovine donijela Rješenje o imenovanju Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Evropski univerzitet u Brčko distriktu Bosne i Hercegovine broj: 05-33-1-230-15/19 5.1.2021. godine, Rješenje o izmjeni rješenja broj: 05-33-1-230-17/19 od 15.3.2021. godine i Rješenje o izmjeni rješenja: 05-33-1-230-28/19 od 22.10.2021. godine.

Na osnovu Izvještaja i Mišljenja Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Evropski univerzitet u Brčko distriktu Bosne i Hercegovine od 18.1.2022. godine da visokoškolska ustanova Evropski univerzitet u Brčko distriktu Bosne i Hercegovine ispunjava propisane uslove za akreditaciju, Agencija za razvoj visokog obrazovanja i osiguranje kvaliteta Bosne i Hercegovine donijela je Preporuku o akreditaciji visokoškolske ustanove Evropski univerzitet u Brčko distriktu Bosne i Hercegovine, broj: 05-33-1-230-36/19 od 27.1.2022. godine i istu dostavila na daljnje postupanje Odjeljenju za obrazovanje Vlade Brčko distrikta Bosne i Hercegovine.

Analizirajući Izvještaj i Mišljenje Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove Evropski univerzitet u Brčko distriktu Bosne i Hercegovine, kao i Preporuku Agencije za razvoj visokog obrazovanja i osiguranje kvaliteta Bosne i Hercegovine, Odjeljenje za obrazovanje Vlade Brčko distrikta Bosne i Hercegovine cijeni da su ispunjeni svi propisani uslovi za izdavanje institucionalne akreditacije podnosiocu zahtjeva, te donosi odluku kao u dispozitivu ovog Rješenja.

Po jedan primjerak ovog rješenja dostavlja se visokoškolskoj ustanovi Evropski univerzitet u Brčko distriktu Bosne i Hercegovine i Agenciji za razvoj visokog obrazovanja i osiguranje kvaliteta Bosne i Hercegovine u cilju preduzimanja radnji i mjera propisanih Okvirnim zakonom o visokom obrazovanju u Bosne i Hercegovine, Zakonom o visokom obrazovanju u Brčko distriktu Bosne i Hercegovine i Pravilnikom o akreditaciji visokoškolskih ustanova i studijskih programa u Brčko distriktu Bosne i Hercegovine.

U skladu sa svim gore navedenim, postupljeno je kao u dispozitivu ovog Rješenja.

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom kod Osnovnog suda Brčko distrikta Bosne i Hercegovine, u roku od 30 dana od dana dostavljanja Rješenja.

DOSTAVLJENO:

1. Evropski univerzitet
u Brčko distriktu BiH,
- ① Agenciji za razvoj visokog obrazovanja
i osiguranje kvaliteta BiH,
2. Odjeljenju za obrazovanje 2x,
3. Evidenciji 2x,
4. Arhivi.

Šef Odjeljenja za obrazovanje
Zoran Bulatović
Zoran Bulatović, dipl. oec.

